





太宗文皇帝實錄

永樂二十年春正月己未朔日食先

上諭禮部臣曰日食天變之大者况在正旦永念厥

咎凜焉於心卿等宜各修厥職以匡輔不逮是日

免賀禮

癸亥立春免賀禮

甲子享

太廟

丙寅夜月犯畢宿左股東第三星

壬戌辰以祀南郊

上御奉天門文武群臣受誓戒

辛未大祀

天地于南郊

上還奉天門文武群臣行慶成禮

壬申

以郊祀禮成大宴文武群臣及四夷朝使 豐城

侯李彬卒彬鳳陽人父信以軍功積官至濟州衛

指揮僉事信老彬代職為人智略從平內難累

陞右軍都督同知封豐城侯初鎮江西征交趾為

左叅將交趾平還殄倭寇守甘肅累劾勞勩後鎮

交趾多勦戮叛寇及是以疾卒賜祭追封茂國公

謚剛毅給傳還其喪 夜月食

癸酉

元宵節賜文武群臣宴

丙子

賑浙江之游龍湖廣之寧鄉縣飢民一千七百二

十戶凡給糧二千九百石

丁丑

江西信豐千戶所言雨水壞城垣請命修築從之

己卯

陞彰德府知府呂鐸為山西布政司左叅政監察御史孔會為湖廣按察司僉事擢進士何善張政馮泰范宗淵張聚何文淵金蘆嚴烜林真魯令德賴英鄒得初陳紹夔王愈揚誼杜時范克恭梁廣成游奎鄧敬為監察御史哈烈諸國遣使貢馬于闐貢美玉賜宴及白金文綺紗羅有差湖廣都司言瞿塘衛城垣為風雨所壞請命軍士修理從之

壬午

命故金吾左衛指揮使王質子貴曹興子真保羽

六林前衛指揮使李成子英俱襲父職劉斌子源黃富子敏孫遲孫溫旗手衛指揮僉事黃貴子真金吾前衛指揮僉事劉興子旺通州衛指揮僉事顧得子貴代職禮部尚書兼都察院事呂震劾奏總兵官都督朱榮鎮守遼東不謹斥堠致虜乘間犯邊殺傷軍民劫奪孳畜榮及遼東都司官并廣寧備禦都指揮王真周興等俱合付法司治之上命姑記其罪令立功以贖

乙酉

夜有星如盞大赤黃色有光起自翼宿東南行至

近濁星
丙戌

朝鮮國使臣崔淵得辭還賜鈔二百五十錠文綺

九表裏

太宗文皇帝實錄

太宗文皇帝實錄

永樂二十年春二月戊子朔

庚寅

除浙江烏程縣戶絕田糧二萬九千五百四十七

石有奇 夜有星如盞大赤色光燭地起自天市

西垣外西南行至騎官

癸巳祭

命故惠安伯金王子瑛襲玉舊職金吾左衛指揮使

乙未

命封秦隱正尚炳第三子志潔為富平王

命平江伯陳瑄充總兵官率領舟師備運糧儲赴北

京

丁酉遣官釋奠先師孔子

戊戌祭

太社

太稷

遣官祭先農

己亥

後軍都督同知朱崇卒崇鳳陽定遠人父揮燕山
右衛指揮使父卒崇襲遂從

上平定內難以功累陞後軍都督同知後從征北虜

命鎮陝西復命掌山東都司事至是卒賜祭命有

司營塋具追封奉天翊衛宣力武臣特進榮祿大

夫柱國平陰伯謚武襄子鎮龍崇舊職指揮使

辛丑

勅法司凡考黜贓汙官吏俱謫戍邊掩飾訐理者

勿聽

乙巳

命英國公張輔等同六部官議北征餽運輔等議分
為前後運前運隨大軍行後運稍後前運合用總

督官三人隆平侯張信尚書李慶侍郎李昶車運
命驢運各分官領之領車運者二十六人秦寧侯陳
愉都督張遠吳顯都御史王彰侍郎張本伏伯安
指揮十人郎中員外郎主事五人監察御史五人
領驢運者二十五人鎮遠侯顧興祖都督章安尚
書趙珪侍郎崔衍都指揮李得指揮十人郎中員
外郎主事五人監察御史五人後運惟車輛合用
總督官二人保定侯孟瑛遂安伯陳英為之副者
二十七人侍郎郭敷都指揮陳景先指揮十人監
察御史五人郎中員外郎主事十人仍命孟瑛陳

大英率領馬軍一千步軍五千護送前後運共用驢
三十四萬頭車十一萬七千五百七十三輛挽車
民丁二十三萬五千一百四十六人運糧凡三十
七萬石從之
丁未

命永興懿簡王庶長子志堞襲封永興王次子志塔
為鎮國將軍懿簡無嫡子故也 後軍都督僉事
程寬卒寬續上人有膽氣熟武事洪武中襲父職
為蔚州衛百戶從
上平定內難以功累陞陝西都指揮同知從征交趾

還陞前軍都督僉事改後軍至是以疾卒賜祭葬
如例追封奉天翊衛宣力武臣特進榮祿大夫柱
國保昌伯謚忠威

乙卯 改山西左叅議金恕於交趾布政司

大明太宗文皇帝實錄

永樂二十年春三月戊午朔

己未

命故永新伯許成子貴襲成原職羽林前衛指揮使
左軍都督僉事王勇子智襲金吾左衛指揮使羽
林前衛指揮使蕭尚都姪孫文劉旺弟英濟州衛
指揮使王勝子敬金吾右衛指揮同知李讓姪通
孝陵衛指揮同知魏興姪暹府軍右衛指揮同知
魏榮姪通燕山右衛指揮僉事馬諒弟全各襲職
金吾前衛指揮使蘇得子顯金吾左衛指揮同知

王榮子貴指揮僉事李志子忠羽林左衛指揮同知袁輔子廣虎賁左衛指揮同知張遇子榮羽林右衛指揮僉事譚成子青羽林前衛指揮僉事八郎子可里帖金吾右衛指揮僉事馮榮子或通州衛指揮僉事失刺歹子北斗奴各代職

辛酉

靈藏贊善王吉刺思巴監藏巴藏卜遣使汝奴星吉等貢馬賜之鈔幣 夜月犯畢宿

癸亥

大直隸永平衛言本衛大小閘口二十四所守閘軍

士不敷軍器缺少乞於撫寧興州右屯開平中屯三衛軍士中摘撥守把給與軍器從之

甲子

賜都指揮僉事韓朶羅帖木兒致仕

丙寅

戶部言直隸開州徐州高邑靈壽栾城等州縣飢

民

上慨然嘆曰君以民立國古人所以致雍熙之世者其道始於民足衣食雖有水旱災傷而民不致於飢害者則恃蓄積有素但如漢文景之世太倉之

粟陳陳相因唐太宗時民間斗米三錢行旅不賫
糧亦何憂水旱不食輒或水旱災而民不憂
皇考置預備倉出內帑易粟儲之以賑飢荒此誠良
法然有司必至飢民嗷嗷始達於朝必待命下
乃賑之其餒死者已不逮矣其令有司今後遇飢
荒急迫即驗實發倉賑之而後奏聞可也今各處
所奏民飢宜急遣官賑之

辛未夜月掩食土星

甲戌

哈密忠義王免力帖木兒遣使赤丹卜花王魯番

等處遣使阿兒祿等貢馬賜鈔幣有差

乙亥

邊將奏虜寇阿魯台犯興和先是阿魯台為瓦剌
馬哈木等所敗窮蹙日甚以其妻孥部落奔竄而
南保息塞外遂奉表稱臣遣使貢駝馬

上曰虜性黠詐勢窮來歸非其本心然天地之仁發
育而已其有所擇哉遂納其貢而禮其使詔封阿
魯台為和寧王母妻皆為夫人賜金帛俾仍居漠
北阿魯台感

上恩德屢遣使貢馬又遣其子來朝數年畜牧益蕃

生聚益富而克悖之心復萌其朝貢之使既歸往
往就途劫掠朝廷使者至彼或恣慢侮亦有拘留
之不以禮待者其部屬屢為邊患每因其使行誠
諭之而怙終不悛至是大寇興和親征之議遂決
在廷文武之臣群謀僉同命五府整兵戶部理餽
饗諏日啓行遂誓將士 修撫寧衛城
丁丑以親征告

天地

宗廟

社稷

命皇太子諱監國諭之曰軍國之務重當明恕勤慎
以處之明則能照物恕則能體物勤則無怠事慎
則無敗事修是以率下庶幾其可

戊寅

輟祭于承天門遣官告旗纛太歲風雲雷雨等神
車駕發北京遣官祭居庸山川晚次榆林

辛巳

駐蹕鷓山虜之寇興和者聞
上親征遂夜遁諸將請急追之

上曰虜非有他計能譬諸狼貪一得所欲即走追之

上 徒勞少俟草青馬肥道開平踰應昌出其不意直
抵窟穴破之未晚

勅前鋒都督朱榮等令駐兵鵬鶚俟大軍至乃行仍
勅將士嚴備禦

命故都指揮使王喚子祥為燕山左衛指揮使喚初
為燕山左衛百戶從

上靖難攻城敗敵屢效勞動累陞至都指揮使命守
興和永樂二十年三月胡寇圍城喚奮死戰歿云

癸未 命駐蹕宣府下令軍中愛惜戰馬

勅保定侯孟瑛等率官軍及幼軍於北京操備以

擒韃賊功陞金吾左衛指揮使施聚為都指揮僉
事

甲申 饗將士
乙丑

山東河南西帝市驢二十餘萬至命給士卒

大明太宗文皇帝實錄

大明太宗文皇帝實錄

命永樂二十年夏四月乙亥朔享

太廟命皇太子行禮

勅皇太子凡官軍以罪繫法司者悉宥之送軍前五

功

戊子

命武安侯鄭亨以卒萬人修龍門道路

己丑

賜將士鈔公五十錠侯四十錠伯三十錠官一品

二品二十錠三品四品十錠五品九錠定品以下

五錠軍士十錠品四品十錠五品十錠六品十錠
庚寅士燹心五十錠部四十錠前三十錠官一品
毛憐衛指揮猛奇不花等率子弟部屬從征者俱
至賜弓矢裘馬等物入是日吏部尚書兼詹事府
詹事蹇義言巡撫至直隸鳳陽府潁州民多缺食
乞以見儲糧賑之

皇太子從之凡給粟八萬六千八百五十石

辛卯

命太醫院增醫士於各營諭之日將士國家冰牙今
從征在外朕夙夜念其艱難食則慮其飢衣則慮

其寒惟恐有失所者人風雨寒暑飢飽憂勞不調
皆足致疾况一身遠役哉其令醫者朝夕巡視各
營將士有疾者與善藥勿苟為文具是日

皇太子復趙府隨侍都指揮同知陳忠官從趙王高
燧之請也

己亥

勅前鋒都督朱榮等旦暮勤哨瞭寇或設伏於險不
可不慎

辛丑

駐驛龍門戍卒言虜倉猝遁去遺馬二千餘匹於

洗馬嶺勅宣府指揮王禮盡收入城

壬寅

勅大營五軍諸將龍門以北道狹各營以次前進不

得攙雜

癸卯

萬壽聖節禮部請率文武群臣賀

上曰今朔在外不獲祇拜

宗廟兼念士卒從征艱苦何樂於心勿賀又曰此行

爾群臣將士共効忠勇驅除虜寇以安邊人賀未

晚也

丁未

駐蹕鵬鶚勅太僕選壯馬送軍前給士卒

戊申

皇太子陞廣信府知府錢性為廣西布政司左叅政

監察御史劉煥為山西按察司副使龍韜為浙江

按察司僉事

己酉

勅鎮遠侯顧興遂安伯陳英等督餽運赴軍前

壬子

上謂戶部臣曰比以軍餉役民塞外往復非數月不

得寧家其令郡縣各復其家一年

乙卯

駐蹕雲州閱兵顧謂侍臣曰今從征之士皆各處簡擇來者若不閱習何以禦敵兵法以虞待不虞者勝又曰設備於已失之後者非上聖朕所以慎重而不敢忽也

大明太宗文皇帝實錄

大明太宗文皇帝實錄

永樂二十年夏五月丁巳朔

己未

下令各營將士軍行之際不許離隊伍十丈違者并所領頭目皆斬收放馬騾亦不許遠離本營違者如之是日禮部言南京留守中衛軍人羅住兒妻尹氏一產三男

皇太子令循例給賜米鈔 廣東廣州等府颶風暴

雨潮水泛溢人溺死者三百六十餘口漂沒廬舍千二百餘間壞倉糧二萬五千三百餘石事聞

皇太子令戶部遣人馳駟撫問十夜有星如盞大青
白色有光起自角宿西北行至下台尾跡炸散

庚申

交趾宣化太原鎮蠻奉化清化新安等府及所隸
州縣學師生貢方物詣闕謝賜五經四書性理大
全為善陰騰書

皇太子令禮部賜賚之

辛酉

端午節駐蹕獨石賜隨征文武群臣宴

六甲子

瓜哇國西王楊惟西沙遣使亞烈添祐等二百五
十人貢方物

皇太子令禮部如例宴勞之

乙丑

車駕度偏嶺令將士獵於道傍山下

上顧從臣曰朕非好獵顧士卒隨朕征討道中惟畋
獵可以馳馬揮戈振揚武事作其驍勇之氣耳

丙寅

駐蹕隰寧勅開平備禦成安侯郭亮曰虜至宜固
守勿與戰以俟大軍禁城中毋遠出各屯堡無要

害可守者悉徙入城

丁卯

大閱諭諸將曰兵形猶水水因地而順流兵因敵而作勢水無常形兵無常勢能因敵變化取勝者謂之神今先使之習熟行陣猝遇寇至麾之左則左右則右前則前後則後無往不中節矣

戊辰

觀士卒射一小旗三發皆中賜牛羊各一鈔百錠銀碗二

上曰賞重則人勸是日

上親製平虜三曲俾將士歌以自勵

庚午

召英國公張輔安遠侯柳升寧陽侯陳懋武安侯鄭亨陽武侯薛祿隆平侯張信應城伯孫亨新寧伯譚忠興安伯徐亨令就營中馳射

上親觀之惟輔升懋連中餘或半中孫亨不中被罰罷其領兵之任張信托病不至降克辦事官

上謂諸將曰為將之道勇智貴兼全弓馬便捷所向無敵勇也計筭深遠無所遺失智也智勇全而後可以建功業勇而無智一卒之能耳汝曹勉之

使
陞山西都指揮使任禮為中軍都督僉事都指揮
使
魚揚澤為右軍都督僉事山西行都司都指揮使

李謙為後軍都督僉事大寧都指揮同知張達為
左軍都督僉事都指揮僉事馬真為前軍都督僉事
辛未

車駕發濕寧次西涼亭西涼亭者故元往來巡遊
之所

上望其頽垣遺址樹木鬱然謂侍臣曰元氏創此將
遺子孫為不朽之圖豈計有今日書云常厥德保
厥位厥德靡常九有以亡况一亭乎可以為殷監

矣因下令禁軍士斬伐樹木申飭將曰軍中必
嚴肅昏夜不得喧譁遇有警惟靜以制之不得妄
動寇或遺人口馬駝牛羊諸物不可貪取恐為所
餌

壬申百輝旅出營言今日聽命
大閱諭諸將曰古帝王間暇無事尚不忘講武况
今用兵之際豈可虛時費日不事講習 陞遼東
都指揮同知平凱為都指揮使

癸酉
車駕發西涼亭次閔安下令軍中牧放樵採皆不

出長圍之外時營陣大營居中營外分駐五軍建
左哨右哨左掖右掖以總之步卒居內騎卒居外
神機營在騎卒之外神機營外有長圍各周二十
里
上顧侍臣論用兵之法因召諸將諭曰卿等嘗從朕
征討百戰成功試言今日驅除此寇之策諸將叩
頭言臣等淺陋惟算是命

上曰兵法云多算勝少算不勝蓋用兵之際智在勇
先不可忽也馭衆之道固須部伍整肅進退以律
然必將帥撫士卒如父兄於子弟則士卒附將帥

亦如手足之捍頭目上下一心乃克有濟至於同
列尤須和協一隊當敵則各隊策應左右前後莫
不皆然譬如舟行遇風同舟之人齊力以奮波濤
雖險靡不獲濟爾等勉之

甲戌

勅皇太子諱曰朕今已至閔安將及開平去京師漸
遠中外庶務悉付爾處決軍機重事則令五府六
部商議至當啓汝而行不必奏來仍勅文武群臣

協輔導

丙子

車駕發閔安次威虜鎮 是日

皇太子改前北京道監察御史王振於貴州道

丁丑

勅前鋒都督朱榮等曰哨馬止留五千隨爾前行餘皆遣回大營爾遇寇慎勿輕進但望其所向星馳報來

庚辰

皇太子遣人馳進蔬果賜書諭之曰爾以朕躬勞在外遣人遠進蔬果出於孝心然朕此行本為安民顧以口腹勞民非朕志也且朕付爾

宗社之重但樂善親賢杜讒去佞以保民為務稱朕付之託意爾孝至矣奉養之物雖今勿進 是日

皇太子陞兵部員外郎饒晞為廣西布政司左叅議
泉州府知府胡器為貴州按察使

辛巳

諭諸將曰軍旅重事朕在營中此心未嘗自逸每出一令必審思而後行古人云將者國之輔輔周強輔隙國弱爾等宜體朕此心果朕所行未當爾有深謀長策即面陳之蓋

上在軍中率起自五鼓或親閱將卒或計議軍務夜

上坐幄中或與侍臣論經史或與諸將論兵法至忘寢食未嘗少逸云

壬午

勅秦寧侯陳愉鎮遠侯顧興祖尚書趙珰等曰兵民餽運日須隨大軍行夜須團營而宿不許一人或後違令者斬

癸未

車駕發威虜鎮次橫州命戶部以山西河南山東所運糧六萬餘石儲於山海

癸酉

車駕次開平守將成安侯郭亮進羊馬果菜賜之

鈔幣

勅戶部運糧萬二千石兵仗局運火藥千斤赴開平為守城之備

大明太宗文皇帝實錄

大明太宗文皇帝實錄

永樂二十年六月丙戌朔

戊子

皇車駕次玻璃谷泰寧候陳愉等餽運至分給將士
餘還貯開平

己丑

皇車駕次通川甸營外十里有虎傷馬

命勇士生繫之

命都督吳成成都指揮程忠梁成率騎士五百先馳赴
應昌偵虜所向

庚寅

命車駕次長樂鎮鎮故乏水晚有泉數十躍出軍中
令足用是日河南布政司右叅政趙儀有罪當徒
皇太子令罷職為辦事官督轉運之務

辛卯

太僕寺丞王忠以閱馬受賂

皇太子令謫戍邊

壬辰

車駕次清平鎮下令大營五軍將士出應昌地益
大平曠宜結方陣而進神機馬隊必序列整肅不得

撓錯

癸巳

車駕次威遠川開平報虜復攻萬全

上召諸將問計皆曰宜分還擊之

上曰不然此詐謀也虜慮大軍搗其穴巢故為此

牽制之術然其衆不多知大軍北行必已襲胆况

敢攻城我不足慮也

命遂安伯陳英以所運糧儲於開平以軍前足用故

也 是日

皇太子令山西故指揮僉事李宗子琳襲父原職為

金吾右衛指揮使金吾右衛故指揮使崔成兒習
劉亨子瑞指揮僉事張成子安府軍右衛故指揮
使陳志明子傑通州衛故指揮董皂火奴子狗兒
大興左衛故指揮使薛得子正羽林前衛故指揮
同知黃榮子剛燕山右衛故指揮僉事蔡清子順
仇彬子英金吾左衛故指揮僉事郭成子禮濟州
衛故指揮僉事曲端子成各襲職金吾右衛指揮
使李得老疾令其子旺代職

甲午

車駕次陽和谷開平報虜攻萬全者其夕遁去

丙申

車駕次祥雲屯方駐蹕有紫雲如蓋見營南久而
不散故賜名其地

戊戌

車駕次翠玉峯虜衆有來降者

命諸將善撫綏之勿有侵害

甲辰

車駕次金沙泊

命公侯同御史點視將校兵器及所賣行糧

丁未

皇太子令工部修

孝陵殿及牆垣

戊申

皇太子遣官祭中雷

庚寅

車駕次王沙泉以深入虜地

勅前鋒都督朱榮等各領健卒三百人人馬二疋賣
二十日糧霄行晝伏探虜聲息都督吳成等領兵
千人踵其後緩急為策應 夜有星如盞大青白
色光燭地出太微西垣內西北行至近濁

乙卯

車駕次通濟河下令軍中愛護兵器及馬騾不得
委棄行糧 是月直隸廣平邯鄲成安肥鄉真定
無極藁城大名濬魏河南襄城縣靈兩傷掾

大明太宗文皇帝實錄

大明太宗文皇帝實錄

永樂二十年秋七月丙辰朔

車駕次廣威鎮

太廟

皇太子行禮

戊午

車駕次環秀岡前哨報虜声息

命將士星馳而進仍簡精騎四出偵邏 夜有二星

如鷄子大其一赤色有光出閣道西北行至雲中

其一色青白色尾跡有光出婁宿東南行入天倉

已未
車駕次殺胡原前鋒都督朱榮等獲阿魯台部屬
送

御營備言阿魯台所部初聞大軍出皆憂懼日有皆
叛而遁者繼聞車駕親征阿魯台奉家慄慄其
母及妻向之罵曰

大明皇帝何負爾而必欲為逆天負恩事爾死固宜
而使吾屬駢首就縛為俘囚將死無壘身處皆汝
所貽禍也阿魯台盡棄其馬駝牛羊輜重于濶柰
大海之側與其家屬直北走矣

上曰獸窮則走然此點虜未當遽信或挾詭謀示弱
以誤我不可不嚴備前哨繼獲虜部曲亦言虜悉
衆夜遁矣驗之而信召都督朱榮吳成等還發兵
盡收虜所棄牛羊駝馬焚其輜重

上召文武群臣諭曰朕非欲窮兵黷武也虜為邊患
驅之足矣將士遠來亦宜休息遂

命旋師是夜召諸將諭曰所以羽翼阿魯台為悖
逆者兀良哈之寇今阿魯台狼狽遠遁而兀良哈
之寇尚在當還師翦之諸師皆曰然請分兵疾進
遂簡步騎二萬分五道進擊且授之方畧謂曰兵

貴神速所謂迅雷不及掩耳諸將受命遂行

辛酉

移師至清水泊戶部言應天府溧陽縣揚州府寶應縣徐州蕭縣濟南府新城縣青州府莒州及諸城壽光二縣萊州府膠州登州府蓬萊黃縣開封府中牟原武祥符棗澤四縣大名府長垣縣順天府薊州及玉田縣永平府涿州靈西傷稼

皇太子令遣官巡視

癸亥

夜有星如盞大青白色先燭地起自右旗西北行

至近濁

甲子

皇太子陞工部員外郎魏循為江西布政司左叅議江西道監察御史申嶽為按察司副使陝西道監察御史謝孚為福建按察司副使山西道監察御史王仲壽為河南布政司左叅議改北京道監察御史歐陽和於雲南道山西右叅議鄭隆於廣西布政司

丁卯

周王妃馮氏薨訃聞

皇太子遣官致祭

命有司治喪塋

戊辰

車駕次捕虜川始諸將之赴兀良哈也

上諭之曰官軍至彼虜必西走朕以兵從西要之虜

可獲也至是

上率精騎數萬馳赴之

命武安侯鄭亨成安侯王通陽武侯薛祿率大營諸

軍後行

己巳

車駕次沙泉磧

命都督任禮等率兵前行為偵邏

庚午

上率師至屈裂兒河虜寇數萬餘驅牛馬車輛西奔

隋山澤中遇大寇倉猝以其眾逆戰

上麾騎兵為左右翼齊進寇望官軍勢盛欲突而走

上率前鋒衝之斬首數百級寇自蹂踐死者相枕藉

餘眾散走其地背河前左比山大軍依山而陣

上乘高望之見寇稍復聚乃麾兵統出其右十餘里

又急分兵渡河斷其後寇數百人突而右走盡獲

之又麾兵繞出其左十餘里先令甲士持神機弩伏深林中戒曰寇經此則發又命嚴陣山下以待已而寇盡棄其輜重馳突而左大軍亦山而前上麾御前騎士與山下兵馳追之寇驚走而林間神機弩競發寇大潰死傷不可數計餘寇尚數百人馳馬而走

上曰必有首虜其中須擊之率騎兵追奔三十餘里抵其巢穴斬首虜數十人生獲其黨伯兒伯克等盡收其人口牛羊駝馬焚其輜重兵器暮次豐潤屯諸將皆頓首賀

上曰用兵豈吾所得已哉諸將曰天道福善禍淫陛下奉天伐罪以保寧兆民豈過舉也

上曰然 是日設四川龍州鐵冶先是土官薛忠義言州民缺農器而境內西遊地產鐵礦可資民用戶部遣人覈實啓請開冶

皇太子從之 暹羅國王三賴波磨刺扎的賴遣使坤思利亦占巴的賴遣使道沙怕宥等貢方物

皇太子令禮部宴勞之

辛未

上復以兵_抵屈裂兒河之西蒐捕餘寇殺獲甚衆是

日

皇太子令全吾左衛故指揮同知徐榮子^亨朱英
弟斌王福子^壽金吾右衛故指揮同知張福子善
羽林左衛故指揮同知張興子廣羽林右衛故指
揮僉事^友韓子敬大興左衛故指揮僉事許英子
廣李敬子智各襲職以金吾右衛指揮同知雷銘
老疾令其子真代之

壬申

兀良哈餘寇潰散山各多來降者命釋之

癸酉

皇太子免南北直隸并山東河南郡縣被水災糧二
十三萬八千三百四十石有奇馬芻三十八萬一
千三百餘束

甲戌

兀良哈寇黨老弱皆請軍門俯伏待罪命釋之

乙亥

置山海衛上庄頭石門寨二石城各設官兵戍守
之工部尚書宋禮卒禮字大本河南永寧人洪
武中由太學生擢山西按察司僉事坐事左遷戶
部主事陞刑部員外郎

上即位命署禮部遂陞禮部右侍郎後陞工部尚書
初營建北京命取材川蜀伐山通道深入險阻還
朝特被嘉賞後再入蜀采木得風疾久弗治遂卒
禮有才幹然馭下嚴刻小過輒繩以法在蜀數年
民苦其酷云

丙子

車駕次聞喜岡至大營

丁丑

詢虜降者言屈裂兒河東北深谷有寇黨千餘人
命寧陽侯陳懋以騎兵五千追之夜月犯畢宿

星

戊寅

車駕次捷勝原官軍以屈裂兒河所獲牛羊十餘
萬至營

命分給將士是日

皇太子千秋節先期禮部請行慶賀禮

皇太子曰

皇上躬擐甲胄勤勞朔漠予始生之日弗得瞻拜可

受賀耶遂止

壬午

車駕次紫駝岡時山谷餘寇瞭望寧陽侯陳懋兵
至皆輕騎遁走獲其男女千餘及牛羊馬數萬并
得所掠邊卒男女百餘人送

御營

甲申

車駕次和鳶谷勅開平備禦成安侯郭亮發官軍
覬運赴行營 是月

皇太子令置撫寧衛駙馬寨臺頭營堡土城二及箭
箠嶺界嶺乾潤口青山口關隘四各令官兵戍守
遼東定遼東寧海州廣寧等處霰雨傷禾稼

大明太宗文皇帝實錄

永樂二十年八月己酉朔

車駕次清漠州

命新寧伯譚忠等往開平趨餽運 前軍都督僉事

馬真卒真武進人父初為燕山左護衛小校從

上征討屢立軍功授百戶以戰死真骸為前鋒以功

陞旗手衛指揮使累陞前軍都督僉事至是從征

遇虜力戰被創還至黑山卒賜祭塋如例

丁亥

皇太子遣官釋奠

先師孔子

戊子

祭

太社

太稷

皇太子行禮

己丑

車駕次祥雲屯寧陽侯陳懋追及殘虜於山澤中
分兵二道夾擊寇^逆戰遂敗之

辛卯

皇太子令工部修北京國子監

壬辰

車駕次威遠川勅寧陽侯陳懋令以精騎千人益
爾可與武安候鄭亨約令武安候收輜重先行爾
以兵伏險要處寇若追齮武安候爾從後夾擊機
不可失懋受命設伏於險武安候等先行果齮其
後方接戰伏兵躍出前後夾擊之寇狼狽大潰死
者過半餘寇遠遁

甲午

皇太子遣官祭歷代

帝王

乙未

祭太歲風雲雷雨嶽鎮海瀆山川等神

皇太子行禮

皇太子遣官祭旗纛 後軍都督僉事章安卒安壽

州人父旺元季為元帥守安豐率眾歸附卒於大
同百戶安龍職從

上征乃兒不花以功陞燕山左衛千戶安有智計

上平內難屢著勞績永樂元年陞北平都指揮使守
真定復守居庸關三年定宣府繕築城堡完固安

備陞後軍都督僉事仍守宣府總督懷安萬全諸
衛軍餉同時有張遠者與安齊名由蔚州衛指揮
使以軍功陞陝西行都司都指揮使再陞右軍都
督僉事至是與安同都運糧餉從征沙漠還俱卒
於道

命禮部俱賜祭 夜月掩建星

丙申

新寧伯譚忠等餽運之大營

丁酉

交趾叅將營昌伯陳智言交趾都司所屬大小官

軍月糧及諸司官俸給計月支稻穀五萬七千七百石歲支六十九萬二千四百石有奇今交州等府餽輸不給而廣東欽廉見儲糧十萬九百四十餘石乞令轉運給之為便

皇太子從之令戶部速行

戊辰

車駕次玻璃谷諸將先受命征兀良哈者奏云已入寇穴悉衆來敵大敗之斬首數千級餘衆潰西而走盡收其人口孳畜先道大寧入喜峯口俟駕是日掌交趾布政司按察司事尚書黃福言莫

交趾遠在萬里宜廣儲蓄以圖安固選練士卒以振武威今各衛官軍不分壯弱均支俸糧匪惟糜費邊儲抑亦無以激揚士氣宜減老弱之費以益強壯又言新頒條例犯管杖徒流及雜犯死罪者送赴京工作交趾道途險遠若遵新例行之死者又多乞依所犯重輕納米贖罪以資軍餉庶公私兩便

皇太子從之廣西博白縣吏王延廣言鬱林博白壯流六川興葉四縣歲運糧九萬餘石輸梧州平樂昔四十戶所今其地儲積有餘而鬱林州水行

可至廉州廉州去交趾新安俱近若以鬱林及博
白等縣糧輸廉州倉令交趾軍民自運其廉州郡
縣糧則以輸交趾新安万寧甚便

皇太子從之

己亥

戶部尚書郭資言天下郡縣所上永樂十七年至
十九年實徵之數分豁本色折色内存留本處軍
衛有司等倉米九百七十六萬二千三百五十三
石有奇其輸運南北二京及交趾等處倉米一千
一百七十七萬一千四百二十石有奇絲二萬斤

折米二萬石苧布八萬九千二百八十二疋折米
六萬二千八百四十七石綿布二百七萬五千九
百七十疋折米一石鈔五百七十萬三千一百一
十六錠折米九十五萬五百一十九石有奇白三
稜布五千疋折米七千五百石綿花絨六十萬斤
折米六萬石奉未完宜差官確徵

皇太子從之

廣東布政司右布政使王公亮華亭

人洪武中為吏科給事中陞應天府丞

上即位陞四川右布政使後調廣東公亮體貌豐偉
儀度雅居官簡靜治政知本體所至廉重愷悌人

皆悅服時廣東按察僉事梁觀亦有賢名觀字大
用當塗人由國子生擢吏科給事中陞四川按察
僉事改廣東剛介廉平能振勵風紀嘗按事潮州
潮寇劉曉嘯聚山澤守衛官軍將發_兵勅之觀曰
民貧不得已為盜以兵林之則殺戮必多盍使之
改過遂傳檄諭以禍福曉感悟即率衆來歸一鄉
之人遂免兵禍潮大旱觀齋潔禱神雨至雷足
無幾觀以疾卒于潮人為發哀備禮歛塋肖其像
^祀之昌黎伯之祠

唐子

駐驛武平鎮

皇太子遣富陽侯李茂芳禮部尚書呂震迎

駕見

辛丑

遣工部尚書李慶祭開平山川以班師遣書翰

皇太子及頒詔天下詔曰天地之大覆載而無外帝

王之治一視以同仁朕恭膺

天命主帝華夷風夜勞勤逸_而治_而理無非欲天下生

靈咸得其所而已往者醜虜阿魯台窮居漠北鼠

穴偷生屢為危刺所困妻子不保遂率部落來歸

朕念其違無依特加優卹授以封爵令仍居本土
安生樂生豈意此虜心懷譎詐僭妄驕矜違
天負德辜息逆命殺戮信使侵犯邊境朕為保安生
民之故躬率六師往討之以七月四日師抵潤乘
海之比醜虜阿魯台聞風震懾棄其輜重牛羊馬
駝逃命遠遁遂移兵勦捕其黨兀良哈之寇東行
至屈裂兒河遇寇迎敵親率前鋒摧敗之抵其
穴殺首賊數十人斬首其餘黨無算獲其部落人
口焚其輜重盡收其孳蓄緩撫附即日班師於乎
聲罪致討不得已而攘夷戢干橐弓庶遄臻於偃

武詔告中外咸使聞知

直隸懷來衛言本衛南

接榆林北至長安嶺西連宣府近雨水壞橋道請

無用兵民修理

皇太子從之

壬寅

命武安侯鄭亨陽武侯薛祿守開平中官鄭和

等使諸番國還暹羅蘇門答刺哈丹等國悉遣使隨

和貢方物交趾土官右叅政掌三江府事杜維忠

奉化府知府陳誰交州府故知府杜希望之子璩

宣化府當道縣知縣梁國補等二十七人未朝貢

金銀器及方物

皇太子令礼部悉宴勞之

皇太子謂吏部刑部都察院臣曰比年各處康間吏群拏鄉起畢城詞訟擾攪官府虐害平民為患不小今後吏考滿不給由丁憂服滿不起得代不赴京目事赴京還不著役者悉發保安衛充軍

甲辰

皇太子陞太常寺協郎律傳霞岫為本寺丞工科郎給事中樊敬為江西布政司右叅政礼科給事中田衡為四川布政司右叅政浙江道監察御史張漆

祿為廣西布政司右叅政交改道監察御史吳中

為山西布政司右叅政擢知縣鄭堅縣丞薛廣進

士王賓李翥監生杜海張翼呂翹林儀鳳列翥葛

蔡張忠郝敬並為監察御史改福建左叅政熊本

誠為浙江布政司廣西按察副使成均於江西按

察司

戊申

皇太子令濟州衛故指揮同知邢智兄全羽林前衛故指揮僉事王昇子王金吾右衛故指揮僉事檀勝子茂龍戢

庚戌

車駕次雲州禁官軍踐傷田稼

辛亥

旦壽星見其赤黃色

皇太子遣駙馬都尉沐忻趙王高燧遣長史趙李通
及六部遣侍郎郭敷進平胡表至
築涿州撫寧
豐潤玉田遷安平谷六州縣土城

大明太宗文皇帝實錄

大明太宗文皇帝實錄

永樂二十年九月乙卯朔

車駕次榆林

丙辰

次空道遣太常寺丞陳希道祭居庸山川

丁巳

車駕度居庸關次龍虎臺饗隨駕將校北京文武

大臣迎

駕見

戊午

車駕次魏店命官軍以所獲虜人口孳畜等物先入京城

庚申

左春坊右庶子兼翰林院侍講鄒緝卒緝字仲熙江西吉水人自少力學博極群書為文不尚彫繪自李官為薦陞因子助教

上初即位擢翰林侍講尋兼左春坊右中允秩滿陞左庶子仍兼侍講與修

太祖高皇帝實^錄及永樂大典居官勤慎小心因子缺祭酒屢奉命署監嘗患背疽

上特命中官督醫往療仍賜名藥緝務持正議與眾辨論不苟為異同與朋友交必輔引於正或淪患難必極力濟之性澹泊祿食三十年儉素不改布衣時所嗜獨書籍及卒家無餘貲藏書數千卷而已與緝同時有陳仲完者福州長樂人自教官入翰林為編修兼左春坊左贊善為人溫厚質實與物無競平居^寡言至於論事是非可否據理^撥義無所回撓嘗有詔汰在京諸司冗官

皇太子令兩坊長官簡^可者留之庸者汰之時鄒濟為左坊長執筆畏縮不敢^下遽起稱疾不出次當

仲完長坊事即提筆書某當留某當汰衆皆服其
明決被汰者亦自愧服仲完奉命授皇孫經多
所輔益歷官二十年不遷怡然自足

皇太子恒言春坊如陳仲完不易得後緝月餘亦卒
又有陳濟者常州人尚書洽之兄字伯載博學強
識當時^鮮倫詔修永樂大典自布衣召入為總裁
書成授右春坊右贊善

皇太子深所器重稽古纂集之事悉以任濟隨事敷
陳多所裨益濟宅心平正絕口不言老佛少嘗有
酒過母戒曰飲酒惟可五^分杯濟終身佩服不違

後仲完未幾亦卒

辛酉

車駕次清河京師文武群臣耆老僧道及四夷朝
使迎

駕見

壬午

昧爽

上乘法駕入京城躬告

天地

宗廟

社稷畢御奉天門朝百官百官上表賀平胡

癸亥

重陽節賜文武群臣宴 以左春坊大李士揚士
竒輔道有闕下錦衣衛頌繫 鴻臚寺丞劉順奏
事失辭下錦衣衛獄 夜有星如~~星~~大青白色光
燭地起自文昌東北行至近濁

甲子

以刑部右侍郎揚勉前出其弟罪下錦衣衛獄

乙丑

都察院劾奏工部左侍郎伏伯安過通州留止潞

河駟與駟丞妾姦丞執其妾就伯安前殺之污穢
不~~道~~請赴法司治命錦衣衛鞠之

丙寅

下禮部尚書呂震及吏部尚書兼詹事府詹事蹇
義錦衣衛頌繫蓋以鴻臚寺序班言震之督戶部
主事張鶴朝參失儀

皇太子以震故曲宥之而義在側不言故也

己巳

上諭奉天門諭戶部都察院臣曰昔
太祖時欽法流通故物賤欽貴交易甚便今市井交

易惟用新鈔稍昏軟輒不用致物價騰踴其撈諭
之如仍踵前幣坐以大辟家仍罰鈔從邊如有倚
法強市人物亦治罪不宥 宴隨征將士命禮部
以其功過分等第示激勸有功無過者坐前列食
上肴功過相等而先入闈者坐次列食中肴功過
俱無坐下列食下肴無功有過者傍立其賜鈔各
有差文職以文淵閣大學士無翰林院學士楊崇
全幼孜扈從之勞特命坐前列食上肴各賜二品
金織紵絲衣一襲鈔五千貫

辛未

封左軍左都督朱榮為奉天翊衛宣力武臣特進
榮祿大夫柱國武進伯食祿千二百石子孫世世
承襲右軍都督僉事薛貴為奉天翔衛宣力武臣
特進榮祿大夫柱國安順伯食祿九百石子孫世
襲指揮使

癸酉

釋揚士奇復左春坊大學士

乙亥

夜金星犯木星

丙子

夜有星如碗大赤色光燭地起自天困西南行至壘壁陣尾跡後散

辛巳

夜有星如蓋大青白色光燭地起自軍市東南行至近濁

壬午

監察御史王綱等劾奏都督吳成等隨征之時奉命徃征兀良哈不赴行在復命徑從東路還京及上饗從征將士成等以有過不與上列徑自趨出無人臣禮不治之無以警衆

上曰御史言當然成功過相等姑宥之

奴兒干等

處都指揮王肇舟等來朝貢馬

大明太宗文皇帝實錄

大明太宗文皇帝實錄

永樂二十年冬十月乙酉朔享

太廟

戊子

奴兒干等處都指揮王肇舟暹羅等國正使阿哈
麻等辭還賜宴及鈔幣有差山東高密縣言兆
民士百餘石已復業其累年所負糧芻上司屢遣
催徵乞寬貸之

上諭戶部臣曰徃古之民死徙無出鄉安王政也
後世之民賦役均平衣食有餘亦豈至於逃徙比

來撫綏者不得人但有科差不論貧富一槩煩擾
致耕獲失時衣食不給不得已乃至逃亡及其復
業田地荒蕪廬舍蕩然農具種子皆無所出政宜
蠲卹之乃復徵其逋負窮民如此豈有存活之理
爾戶部其申諭有司維自今逃民復業者積羊所
負糧芻等物悉與蠲免 夜有星如盞大青白色
光燭地起自天困西南行至近濁

辛卯

夜有星如盞大赤色光燭地起自天狗東南行至
天廟

壬辰

修泗州衛兩水所壞城垣三百六十餘丈

癸巳

命內官常喬監察御史宋準郎中呂謙等八十人
盤點天下軍民衙門倉糧及稽考通年出納之數
占城因使臣通沙怕宥等辭還賜其使鈔幣表
裏有差仍賜占城國王占巴的賴錦二段紵絲十
疋紗羅各七疋琉球國中山王思紹遣使摸都古
等貢方物賜鈔二十錠綵幣一表裏

丁酉

除廣東化州吳州縣戶絕田糧四百四十石有奇
壬寅

工部言河南開封府仁和門外王城堤舊離黃
河五里餘河自邊村經獨樂岡南入淮河決而
西蕩鬻城堤雖屢修築旋復衝決宜浚故道以弭
其患從之

癸卯

瓜哇國西王揚惟西沙使臣亞烈漆佑等辭還賜
鈔幣有差

甲辰

英國公張輔言山西大同天城陽河朔州等衛地
臨邊微宜給神機銃砲為守備從之 真定府寧

晉縣典史王珪言今年六月七月不雨田禾旱傷
者百六十七頃有奇命戶部遣官覈實免其租
河南彰德府磁州同知周原卒原字彥廣直隸太
平府繁昌縣人洪武

乙丑

進士授辰州府推官調吉安時闕守貳原獨署郡
事以廉平為治政務修舉獄訟疏決無壅滯民有
負冤積歲未白者皆白之不旬日囹圄為空後坐

累免復用薦起為山東蒲臺知縣有商被盜疑其
主人者已誣服原竟有寃為緩獄而察之果得真
盜人服其明飛蝗入縣境原禱于神一夕大風兩
蝗盡死歲以大稔改紹興新昌知縣治如蒲臺歲
滿陞河南磁州同知卒于官

戊申

湖廣沔陽州奏今秋霍兩江水泛漲滄沒田地溺
死人民戶部遣人撫視

己酉

夜金星犯土星

壬子

夜火星退犯天街上星

大明太宗文皇帝實錄

大明太宗文皇帝實錄
永樂二十年十一月甲寅朔欽天監永樂二十一
年大統曆

上御奉天殿受之頒賜諸王及文武群臣

丙辰

遼東建州左等衛指揮猛哥帖木兒貢馬命禮部
宴賚之

癸亥

暹羅國使臣坤思利亦^等辭還賜坤思利亦冠帶
及鈿百錠紵絲羅各四疋其從者賜有差仍賜其

王三賴波磨刺札的錦四疋紵絲鈔羅各十六疋

丁卯

夜有犯畢宿大星

己巳

命金吾左衛指揮使張福子秦指揮同知韓青子友指揮僉事李廣子斌羽林前衛指揮使任礼子

亮代父職

壬申

瓜哇國西王揚惟西沙遣使八諦苜麻抹等貢方物賜八諦苜麻抹鈔百錠紵絲羅各三疋賜其從

者有差仍命賜惟西沙紵絲三十二疋紗羅各十

二疋

戊寅

河南鄭州民獻白兔

庚辰修築直隸滁州衛城

庚辰

交趾交州右衛土官都指揮陳封等八十三人來朝進金銀器皿等物賜織金紵紗龍衣及鈔錦綵

幣表裏有差

壬午

婺源縣知縣吳春卒春福建建安舉人進士擢婺源知縣始至民有逋租數年未輸春從容百戶率民無幾悉辦事隙輒至季舍與諸生講說經史寒暑未嘗懈其居官廉勤有為摧豪滑清獄訟均徭役民甚德之嘗飛蝗入境春引咎以禱蝗即赴水死其卒也民皆思之

癸未

冬至

上御奉天門受朝賀大宴文武群臣及四夷朝使
大明太宗文皇帝實錄

大明太宗文皇帝實錄

永樂二十年十二月甲申朔

戊子

哈密忠義王免力帖木兒遣使舍黑馬哈麻及土魯番都督尹吉兒察貢馬千三百匹柳城打刺罕者馬兒丁及哈密大師虎都卜丁等貢年二千餘隻賜有差

庚寅

前朝鮮國王李芳遠卒訃聞賜祭謚恭定賻布帛千疋

辛卯

以交趾叛寇黎利久未獲遣勅切責叅將崇昌伯陳智等

命武進伯朱榮充總兵官鎮守遼東 臘日賜文武

群臣宴

乙未

古魯衛康野人頭目只古你等三十六人來朝置古魯衛命只古你為指揮餘授千戶等職賜欵幣有差戶部言直隸廬州府英山縣飢命發倉糧賑其民凡二萬一千四百五十五口給糧九千六百

十七石 江西饒州守禦千戶所言本所城六百

五十餘丈城樓十八座皆傾地請以軍士修理從

之

己亥

麓川宣慰使思任發遣使奉表貢方物謙興兵侵南甸州之罪仍遣中官雲仙等責勅戒之并賜之絨錦文綺表裏

甲辰

瓦剌賢義王太平等遣使貢馬謙侵擾哈密之罪哈蚤忠義王免力帖木兒等亦遣使獻馬各賜絲

幣表裏

庚戌

勅鎮守薊州都指揮陳景先等曰比得報遼賊人馬今駐斷頭山宜令各關口晝夜嚴備如遇賊即相執勦捕然須慎之不慎而或失机論死不赦薊州山海等衛官軍可調遣叅用

辛亥

宥鴻臚寺丞劉順復職

癸丑

夜有星如碗大青白色光燭地起自文昌西北行

至紫微東蕃內後三小星隨之

大明太宗文皇帝實錄

大明太宗文皇帝實錄

永樂二十年閏十二月甲寅朔

上視牲南郊

乙卯

勅周王捕曰汝南王母歿子婦咸應守喪其妃及
宮人在大理者即令人取回

甲子

命前軍故都督僉事馬真子山龍父原職旗手衛
指揮使金吾右衛故指揮使王福子能劉勝子肚
燕山前衛故指揮使王福子花弟把卜花濟州衛

故指揮使焦銘子童先通州故指揮使趙息家奴
子王金吾左衛故指揮同知刘海子廣羽林前衛
故指揮同知張成姪旺指揮僉事博兀魯思不花
義子貴府軍右衛故指揮僉事姜名姪清羽林右
衛故指揮僉事李彬子敬孝陵衛故指揮僉事崇
旺子礼各蘇朕以燕山右衛指揮同知裴玉老疾
命其子忠代朕 改吏科給事中楊蓋於刑科礼
科給事中商賓於吏科張礼於工科甄實於刑科
陞廣西布政司左叅政白思謙為山西右布政使
漢陽府知府張壽為陝西布政司右叅政 鎮守

雲南黔回公沐晟奏請調兵勦捕緹摩州曲部駟
野羅羅并蒙自縣作耗強賊以除民患從之

丙寅

擢進士黃炯李俊監生單信趙安翟慶呂阜李鑑
趙伏柴皋薛瑾李琳為監察御史 山東登州府
言寧海等八州縣連歲水旱田穀不登民乏食今
本府見儲糧五十萬石乞以賑貸從之

己巳

立春

上御奉天門文武羣臣行賀礼賜宴

庚午

後軍都督同知王麒辛麒舊名麻子帖木兒建州松花

江人父貴故元開路達魯花赤洪武中以麒歸附

事

上於藩邸貴卒麒以壯勇善射選充御馬坊勇士從

上平定內難小河之戰麒躍馬衝陣矢不虛發敵甚

畏之自百戶累陞遼東都指揮同知繼陞後軍都督

僉事從征胡寇還以功陞後軍都督同知卒遣官

賜祭復置河南汲縣縣丞主簿各一員以人民

復增故也

癸酉

正覺大乘法王昆澤思巴遣國師班丹劄等三百

十四人朝貢命禮部賜宴

甲戌

改戶科給事中張煥於刑科 朝鮮國王李禔遣

陪臣李伯剛權軫等奉表貢金飾鞍轡名馬金銀

器物賀明年正旦 以水災免直隸鳳陽府所屬

州縣糧千八百六十六石碭山蕭縣二縣糧二萬

七千二百一十石

戊寅

夜乾清宮災

壬午享

太廟 是歲天下戶九百六十六萬五千一百九十
一賦稅糧三千二百四十二萬六千七百三十九
石布帛二十二萬四千六百六十六疋絲綿二十
二萬三千六百九十三斤有奇綿花絨六萬九千
三百七十斤課欵千六百四十萬三千錠金千一
百九十二兩銀二十八萬五千七十七兩有奇銅
錢三千七百六貫銅二千一百二十八斤鉄四十
四萬八千七百七十五斤錫二萬七百八十斤珠

砂千五百四兩海肥二十三萬二千^六薩索茶一百
萬四千六百九十五斤鹽一百七萬七千二百三
十一引屯田子粒五百一十七萬五千三百四十
五石馬一百二十九萬七千三百一十五疋 魏
運北京糧三百二十五萬一千七百二十三石
交趾上供絹一千三百九十疋漆二千八百斤蘓
木四千八百斤翠羽二千八百箇扇四千四百三
十柄

大明太宗文皇帝實錄

二十三

萬一

十

萬一

萬四千六百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百

萬一千五百



